

〔先哲叢談續編十〕平賀鳩溪略中

鳩溪不惑之後，以才名高於世，自侯伯貴人至文學方技之士，苟有志本草者，無不欲容交識面，列相館林侯武元服其器宇，深優待之，嘗勸以方技，兼本草釋褐醫員，先是阿部將翁、田村藍水皆以本草學起自草莽，奉仕大府，賜俸二百苞，故事列醫員者，慶長而降，以薙髮髡頭爲式，鳩溪不欲髡，且入仕籍，以藝術進者，其初所受無過此數，雖有偉器之士，非有加增不能超至其上，姑從此亦必能有所處置，鄭重喻之，鳩溪常謂大丈夫不食祿千石，敢不可仕，故王侯藩鎮雖以賓師禮待之，其所給秩不踰五百石，則辭謝不應，而今欲給贍衣食，柔心屈縮，孜孜乎干求祿仕，豈所欲哉，而侯猶眷顧之，又告曰：釋褐上仕，其勢與侯國異，累遷拔舉，自微俸起，至千石萬石，素存于其任，我有盡力請推考之，德慙不已，鳩溪不敢謝其恩旨，自負才氣，傲然謂人曰：二百苞家常茶飯，僅々小鳥餌耳，後著話本一卷，暗諷刺侯之不知人，以謂巨魚不游涓流，大鳥不巢小木。

〔杏林雜話〕小野蘭山舉爲本草教諭，年已七十餘，手寫稻若水庶物類纂六百卷，人稱爲今胡徵君。

〔半日閑話三〕一文化七庚午年正月，小野蘭山翁年八十三，にて没す，机に寄て、ねふるが如しと云，蘭山寬政十年戊午，京都にて召れ，同十一年己未七月廿八日，御納戸格にて，初而御目見，三拾人扶持被下之。

〔本草圖譜〕敘吾友岩崎灌園，酷嗜赭鞭之學，又善寫生，所著有本草圖譜若干卷，頃者釐草部一類，錄諸梓板，請序於予，灌園刻意斯學，殆三十年，平居植藥卉於庭，二千餘種，籬笆縮錯，磁斗相接，灌園日逍遙其間，親加培溉，循覽諦視，以察其根莖花實之形色，句析榮悴之變態，超然有所得於中，輒援毫寫之，是以精麗詳密，分析毫芒，凡方土產殖之同異，深阻幽崖之殊品，以至海外絕國，賈舶所費，纖悉羅陳，不移足而得之，几案間，其用力可謂勤矣。略中 文政十一年晚秋望日，奉朝請醫官喜多村直撰。

〔杏林雜話〕青池芳辭名林宗，字子達，譯唱蘭書，著本草及地誌，皆漢籍所未載者，其詩云：神農經外分三殖，大禹